

仁和縣志卷十二

湖廣江陵縣知縣致仕仁和沈朝宣纂著

寺觀

城外寺院

福田慶壽寺在候潮門外權木橋宋寶祐二年徐

路鈐捨宅建寺請福田額元至治間燬泰定間

重建復請額加慶壽二字昭文館學士李雪菴

書福田慶壽寺扁洪武四年立為叢林

山陰蔡宗充詩

江村開佛地樓閣敞斜暉響近風生海陰深竹覆幃慈航間載

客溽暑不蒸衣疎雨隨秋至玄蟬已息機

仁和縣志卷十二

一

山陰劉棟詩

出郭行路轉賒恍疑幽徑是仙家雨餘葉定惟聞鳥風靜簾間自

落花萬頃江濤增感慨兩峰煙樹競槎枒逢人休問南朝事且看飛鷗浴淺沙

大報國禪寺在鳳凰山元至元十三年從胡僧楊

璉眞伽請因宋故內建五寺此其一也即垂拱

殿基為之殿角有銀杏樹其實無心楊載錢塘

懷古詩所謂萬年珠樹落秋霜蓋指此也延祐

六年寺燬僧大訖重建至正末燬于兵惟佛殿

存舊有碧梧軒舞鳳軒洪武二十四年立為叢

林

僧噩夢堂舞鳳軒詩

灕江之上青崔嵬山勢遠從天目來錢氏豈能當王

氣郭生端復是仙才光搖晴旭九苞動影拂
秋旻雙翅回爲我翩然覽輝下一軒看此亦
哉宜

興元教寺亦五寺之一卽宋芙蓉殿基爲之延祐

六年寺燬繼建未完而罹兵革遂廢

般若寺亦五寺之一在宋和寧門側亦燬于兵火
張氏築城遂入爲城基

小僊林寺爲五寺之一卽宋後殿基爲之初僊林
寺住持榮枯巖結知楊璉眞伽請殿基爲小僊
林寺建一塔方半而止俗呼爲半檄塔寺亦尋
廢惟存半檄塔七八十年前猶存今亦廢

仁和縣志卷十二

二

尊勝寺爲五寺之一卽宋寢殿基爲之基址高亢
下有曲水流觴亭遺迹猶存楊璉眞伽發宋諸
陵建鎮南塔于岡上以鎮王氣其形如壺其寺
鐘卽宋故內禁鐘也西有望江亭大江百里在
指顧間其地視報國等四寺雖隘而殿宇景物
宏麗至正壬辰七月蘄黃寇自新城富陽來郭
萬戶屯權木橋東營與寇對敵市民咸登望江
亭以覘寇退郭命軍士焚之自是僧不容足寺
遂廢寺旁有尊勝塔一名白塔俗呼一瓶塔在
宋故內鳳凰山岡之上基周數十丈高一百丈

規制甚大其形若壺內藏佛經數十萬卷佛菩

薩像數萬軀周飾以堊其色如雪元初楊璉真

伽所建至順辛未正月十四日黎明雷震之至

正末爲張氏所燬

楊仲宏錢塘懷古四首其一

西湖清濁自天開
鴻雁鳧鷖日往來

黃道星辰環太乙紫雲宮殿擁蓬萊能文競
奏王褒頌獻壽深傾阿母杯九域輿圖今混

一百年耆其二山回禁禦入雲長無復陳兵
舊獨興哀其二衛兩廂千古鐘埋野草萬

年珠樹落秋霜龍人不徙陽文聚鳥篆終歸
軹道傍九市塵埃來袞袞一陽江風浪去茫茫

其三斜界鉤陳通大道中分魏闕對層巒雲
飛龍俄杳杳滄溟泛鷓竟漫枕安中其四宮化城

天會合甯非數坐見蒼生奠枕安中其四宮化城

仁和縣志卷十二

三

被層阿棟字高低若湧波翠石文章題日月
寶珠光燄燭山河空桑說法黃龍聽貝葉繡

經白馬馱誰謂一無超
眾有祇今塵土重來過

僧宗泐四首

山州形勢說錢塘海一接江流入混

秋陽有人宋朝宮殿元朝寺廢址秋殘見黍離
百歲有氣相樓宿宸宮殿爲說世皇時欲識

錢塘王氣相樓宿宸宮殿爲說世皇時欲識
天塹師相孤宿裏湖白雁不知南方鐵騎飛

山還傍海地無情日見城池改多少英雄
屈壯圖內殿荒寺空見前山映後湖塞北

蕪獨憐一老海南無處問諸孤蓬萊閣上秋
有誰畱殿荒寺空見前山映後湖塞北

風起先向燕
京人畫圖

錢思復同武仲仁登塔詩

香火宮雕今朝寺雲山前

塔暝煙籠雨泣交龍桂風悲孤
鳳桐惟應江上水千古酌英雄
雨晴晚過白

塔宋宮傳是唐朝寺白塔崔嵬寢殿前夏雨

染成千樹綠暮嵐散作一江煙蒼苔門外

鄭洪葫蘆宮井川野人拾得舊金鈿

江襟帶尚依然王氣消沈已百年八葉

張光弼觀折塔猶有百年人間來說興廢

圓應菴在鳳凰山南不知何時建 國初廢

崇聖院在鳳凰山東吳越王建宋淳熙四年改爲

澧恭惠王功德院

純一菴舊名海鮮寺在鳳凰山東元至正初建聞

禪師開山

仁和縣志卷十二

詩班班石板御河橋野老行吟思寂寥

善應總持院在城南似蘭隅尊聖巷宋開寶六年

錢王建于西湖南名曰總持治平二年改善應

總持院元至元三十一年復遷建于今廢洪武

二十四年歸併福田寺

張孝祥可賦軒詩光明獵獵上烏巾不那西湖

君一洗軟紅塵

火星資教院在城南候潮門外大德間火星廟燬

卽其遺址建寺號火星資教院洪武二十四年

歸併延聖寺

普濟寺在候潮門外宋太平興國元年建元至正

末兵燬以樹柵洪武重建歸併福田寺今廢

梵天寺在城南鳳凰山宋乾德中吳越王建名南

塔治平中改今額元元統二年重建永樂十五

年歸併寺有二石塔靈鰻井併金井

僧志銓詩

落日寒蟬鳴暮歸林下寺柴扉夜未掩片月隨行履惟聞犬吠聲又入清

蘿去

東坡次志銓韻

但聞煙外鐘不見煙中寺幽人行未已草露溼芒履惟有山頭

月夜夜照來去

中庸子閒居書事

松杉圍靜客蹤跡遠人羣抱病添華髮看山羨白雲苔痕

仁和縣志卷十二

五

經雨長蟬韻帶風聞獨坐無來客西風日又曛

寄梵天政上人

一講更無事翛然自不羣間情江上月孤跡檻前雲徑冷秋苔

合杉寒宿鳥分濤聲旦暮近應自出禪聞

鄭厚雪後遊梵天

松偃梅欹逕路微重重凍雪擁巖扉憑高不覺江天近無

數雲帆拂鴈飛

蘇軾游南塔寺寂照堂

城南鐘鼓門清新端為投荒洗瘴塵總是鑑空

堂上客誰為寂照鏡中人紅芳掃去風驚曉綠葉成陰雨洗春記取明年作寒食杏花曾

與此翁鄰

法善院在永昌門外舊普賢菴宋乾道三年請是

額

長壽院在城東螺螄橋晉天福三年吳越王建名
觀音宋大中祥符間改今額元末燬洪武初重
建二十四年歸併崇福寺

廣陵院在城東周顯德二年吳越王建名文殊普
賢院宋大中祥符間改今額洪武年間歸併潮
鳴寺

眞如寺在會保隅宋建炎初建以處流寓僧行元
至正末燬洪武初重建今歸併福田寺

福昌院在候潮門外普濟橋東宋太平興國三年
薛忠捨宅爲寺名甯邦大中祥符元年改是額

仁和縣志卷十二

六

潮音庵在候潮門外宋元貞年間僧永遇建洪武
二十四年歸併福田寺

正定庵在城東永昌門外元至正間建洪武二十
四年歸併天長寺

聖壽庵在城東永昌門外元至正間建洪武二十
四年歸併報國寺

普陀庵在城東永昌門外浙江塘右元至正間建
燬洪武二十四年歸併僊林寺

表節崇義寺在永昌門外四板隅北爲李忠襄公
謙功德寺宋開禧元年賜是額

圓通寺在城南似蘭隅車子巷口元至元初建元

末燬洪武六年復建二十四年歸併福田寺

勝果寺在城南鳳凰山右唐乾甯間吳越王建宋

慶厯初賜額崇聖塔元至元間重建燬永樂十

五年歸併有排衙石石衙郭公泉月巖介亭忠

實亭皆在焉宋高宗御書鐫石梁開平四年錢

氏鐫彌陀觀音勢至三佛於石在寺後

僧處默詩

路自中峰上盤迴出薜蘿到江吳地
盡隔岸越山多古木叢青藹遙天浸

白波下方城郭
近鐘磬雜笙歌

王荆公詩

登高見山水身在水中中央俯視樓臺
處空多樹木蒼浮雲連海氣落日動

仁和縣志卷十二

七

朝光偶坐吹橫
笛殘聲入富陽

僧圓法師詩併序

勝果名刹相望而高軒虛閣
盡得江山之勝概因誦謝宣

城天際識歸舟雲中辨江樹之句頗類彼景
用以爲韻成詩十章寄勝果悟師開士雖不
足發揮騷雅庶寓相憶耳江色杳無極
眇眇接遙天歸帆帶夕鳥沈寒煙幽景
不同觀遐想成篇樓閣巖壘參差息
雲際高窗曉色晚景餘霞麗寥寥時動息
冥心遠塵思冷淡杳難羣幽趣惟吾識高
情薄雲漢清談潤金石不學浮世人聲名競
雕飾惟靜百慮忘軒塵萬象歸空江答夜
鐘高嶠畱淺暉幽砌絕塵蹤孤雲自依依
顧惡如探湯觸物類虛舟他莫已知此道
本吾獨坐時相懷斜陽照危樓崔嵬高
山側觸石在雲自將霖雨期與塵土羣
杳杳遊太虛對此幾思君高跡將誰親幽
竺樓白雲中問塔吐蒼苔古木生清風時將西

辨聲利如我仇雲泉若相挽寂寂深林中芳
蘭自堪戀羣峯聳危碧倒影沈空江清景
生晚晴冷色涵虛窗遙縱吟賞能使吾心
降人識高趣登樓獨
何人識高趣登樓獨
南望杳杳空烟霧

南海鄧林遊勝果寺分韻詩引

月之朔是歲長至後二日也瑞雪收晴微陽
布暖杭城士大夫以子羈樓岑寂相與出遊
勝果寺勝果杭大夫之名剎也據鳳山右翅
瞰錢塘江之北岸一徑自中峰至上方樓臺
巍然俯臨羣木之杪一徑越江岫至月巖樓
臺俱帖帖在履舄下吳越之勝至此一樓
目靡遺矣隨童攀既倦稍盃酌壁間有唐僧
方丈中隨行童子亦稍進盃酌壁間有唐僧
處默詩一首不遊和之者羣公興亦稍動
子曰詩有三不絕唱一也默公妙處不容
繼矣時在座適十人乃摘其詩中人關韻而
盡隔岸越山多之語分爲十韻人關韻而

仁和縣志卷十二 八

賦之詩成各有新趣可誦可傳竊念此景此
遊在羣公固爲習見之常事在子則爲見所
未見之勝事也故集諸公而引之以示不忘
十人者致仕閩藩方伯姚公世初讀禮家居
吏部郎中畢公文殷刑部主事朱公思勉進
士鄭公良載大雅之士陳公士甯夏公與誠
沈公叔暉祝公彥廣馬公叔良俱浙人子則
南海鄧林自天官署降謫居于世也詩係于
左方以
韻爲次

端峰邵銳贈徐曰仁寓居勝果寺

老樹傳秋響長松下夕陰別經三日眼
道洽百年心一往愧塵俗白雲深復深

寶華院在城東永昌門外王氏捨地建宋建炎間

燬元至正間重建洪武二十四年歸併延聖寺

永慶寺在清泰門外充楊節使香火院宋寶慶二

年建紹定三年燬景泰四年重建元至正閒曉
大師重建洪武二十四年歸併報國寺

夕照院在清泰門外舊爲施水菴宋慶元六年請

額

惠嚴院在清泰門外宋紹興四年建

定水院在慶春門外號湖光 永鑑堂湖光堂速

香千手眼大悲像後燬改爲聚景園

法善院在慶春門外周廣順元年建名護國羅漢

院宋大中祥符中賜是額地入聚景園移額於

四板橋普賢院

仁和县志卷十二

九

崇福院舊在慶春門外晉開運三年郡人以地易

仁王院菜園建護國仁王院後改寶慶院宋大

中祥符九年改今額

延壽白石寺在艮山門外白石村宋建隆二年建

元至正末燬洪武三年重建二十四年立爲叢

林永樂十二年潮壞今移建慶春門外

崇福寺在艮山門外臨江鄉宋雍熙間建大中祥

符元年改今額大觀重建燬紹興間重建元末

燬洪武十六年復建二十四年立爲叢林

殊聖寺在艮山門外建隆元年吳越王建名最善

宋治平三年賜今額
洪武十年重建二十四年
歸併崇福寺

因果寺在艮山門外晉開運二年錢忠懿王建名
崇壽宋大中祥符元年改是額元至正十五年
兵燬洪武二年復建今歸併崇福寺

廣教院在艮山門外晉天福中吳越王建名傾心
宋大中祥符年改是額

顯教寺在武林門外陸家場舊爲華嚴庵宋紹興
二十三年建乾道五年移請今額舊在城中金
剛嶺嘉熙間燬寶祐間徙今處元末燬洪武初

仁和縣志卷十二

十

重建今歸併昭化寺

定光寺在城北清湖中閘東晉天福四年吳越王
建時有汀州僧號長耳和尚因以名額元末兵
燬洪武五年重建今歸併昭化寺

三吾沈朝宣定光僧舍納涼僧房幽近水軒隱
綠陰中瘦竹環清

氣虛窗進野風酒懷涼更豁詩句
靜偏工落日猶耽坐高情契遠公

秋閣陳大列秋日過定光僧院野寺新秋喜獨
行西風此日快

遊情入門牆影初疑雪點座花香不辨名石
枕有緣安午睡茗甌無厭散餘醒松陰滿院

塵囂遠何處
敲棋落子聲

崇果寺在武林門外夾城巷內周顯德二年吳越

王建舊名羅漢院宋治平中改今額元未燬洪武初重建以奉晏公神像時因缺僧故也前殿觀音猶是故物

覺圓寺在武林門外西梁婆橋東元皇慶間建元未燬洪武十年復建一時無僧暫為昭化寺帶管正德間二寺僧因誦經事訟官斷理各自焚祝嘉靖戊子年正月二十三日僧佛洪得道坐化

郡人沈三吾納涼有感

不禁炎暑過僧家尚未披襟爽氣加樹駕火雲

移殿角水分涼氣到窗紗廣寒宮邃將誰訴碧玉堂深祇自誇睡起閒庭幽思豁蟬聲靜

仁和縣志卷十二

十一

耳一
甌茶

觀音庵在武林門外東隅六里舊為東山萬壽寺基其寺頗大房舍寬敞可容數百僧元末遭兵火寺廢地入民居洪武三年智果寺僧文珩志慕僻靜乃捐資量買地基約有十一畝詢知故老舊遺觀音佛像一座蓋不知幾百年像也因創殿宇以奉香火隨例焚祝扁曰智果禪院

昭化寺去城北七里潮王橋東南周顯德間吳越王建宋大中祥符間改今額舊在芳林鄉河中界紹興二十二年官以其地建倉屋遷寺于茲

地傍有潮王廟元至正十九年兵燬洪武四年

重建二十四年立為叢林永樂九年復遭回祿

十年重建松江府推官段天祐撰碑記

節齋俞珩

紫棟輕風白苾涼短輿催我過南塘
面承翠雨穿松徑背負青天石梁

半日間情今遂得百年塵慮此消忘
舊遊寄壁多新句半是劉郎半沈郎

賓山錙英

風軒話久覺清涼白藕花開近古塘
老去詩名慙沈宋古來佛法重齊梁

坐臨流水心方淨吟愛青山夢不忘
休得沉酣便歸去欲將小品問支郎

兩山沈宣

六月野風村路涼小僧行過又陂塘
人懷淇澳居栽竹僧污袈裟燕度梁

共說五湖閒更好豈知一醉慮俱忘
俞君焉得坡仙句只恐當筵笑郭郎

日休沈行集古次韻

日下方塘野路涼雨餘田
水落風高寺深松檜無塵

仁和縣志卷十二

十二

事夢繞林泉度石梁萬物靜觀皆自得一時
清賞肯相忘我來不問西來意卻訪支郎是

郎老

姚江小野進士倪宗正

萬竹青青隔石橋薜蘿
恍若護芭蕉眼前春色

俱消歇定裏禪心忘寂寥雲意稀微生畫壁
月光溶漾破煙霄一枰清興今隨我幾度風

霜不
受凋

履齋陸廷玉畱題

重來忽是五年期翠竹黃花
往時水石依然江上路風

塵不毀壁間詩功名羈絆慙空寂林壑優遊
已自遲回首斜陽分袂處泥塗驥足又追隨

山陰龍陽子蕭鳴鳳

萬縷千條湖上堤蘇公去
後歇芳菲獨餘寶地春陰

在抱膝相
看一鳥嘯

廣教寺在武林門外江漲橋東晉天福年間吳越

王建宋大中祥符間改今額

香積寺去城北八里江漲橋東北宋太平興國二年柯氏舍宅爲寺舊名興福大中祥符間改今額元末兵燬洪武辛亥重建二十四年立爲叢林此寺僧眾咸知力農分守積有家資週遭古樹叢密合抱參天鳥鵲營巢非止千萬朝暮彙集喧鳴人語莫辨實一方之瞻仰也邇來糧役頻仍賠償殆盡向之茂林寔爲曠野可爲歎息京口虞謙撰碑記

眞如寺在武林門外江漲橋東宋紹興間韓蘄王

仁和縣志卷十二

十三

捨宅爲寺構重閣安奉金書大品般若經智度論於其上元至正二年燬洪武十五年重建今併香積寺埽迹無存

化度寺在城北江漲橋東梁天監間朱异捨宅爲寺名眾安隋改眾善唐改重雲再改承雲宋治平二年改今額旁有崇善王廟貞觀法師夢神人聽解願割祠宇之半以益佛刹今祠猶存焉元至元間兵燬至正間復建天竺住持弘道撰

碑記

崇興寺在北新橋東北元至元間建至正末兵燬

洪武初重建二十四年立爲叢林

大覺庵在城北一十里芳林鄉元至大三年建至正末燬洪武十一年重建二十四年歸併昭化寺

寶華寺在城北芳林鄉會安村宋乾道六年馬宗浩捨宅爲庵名寂慶嘉泰間沂靖惠王重建淳祐七年移請今額元末燬洪武三年復建今併

崇聖寺

看經院在太平橋東范浦鎮周顯德四年錢氏建彌勒覺滿院在糴場廟北名棲真菴宋乾道間建

仁和縣志卷十二

十四

端平三年請是額

寶明院在糴場廟後

大佛院在艮山門外十里松成舖宋南渡後舊有小庵內有井鸞起黑氣瀰漫一方不辨彼此須與收入變爲白光父老奏聞高宗勅造大佛井上以鎮壓之嘉泰三年勅建爲大佛院

寶界寺舊在武林門內名翠峰宋治平間移艮山門外槎渡村改額寶界洪武二十四年歸併崇善寺僧無衣鉢相傳從來分守正德間僧景惠勤幹經營居積頗裕近以賦役煩重遠不如前

嘉靖二十七年諸山以其行薦本府起送赴部

授職副綱

陽明山人餘姚王公守仁春日宿寶界禪房賦

晴日落霞紅蘸水杖藜扶客眺西津鶯鶯喚
處青山曉燕燕飛時綠野春明月海樓高倚

徧翠峰煙寺遠遊頻情多謾
賦詩囊錦對鏡愁添白髮新

敬亭陳善嘗遊寶界寺畱題紀興

突兀金仙地
翬飛滄海陰

神光涵玉沼瑞靄結珠林說法龍潛聽
忘機鳥共吟尋幽時一到趺坐獨觀心

覺仁院舊在城東湯鎮唐天寶二年建宋治平二

年改是額乾道三年燬寶慶三年重建洪武二

十四年立為叢林永樂十四年江潮衝沒移建

仁和縣志卷十二

十五

皋亭山

保慶院舊在湯鎮周顯德元年吳越王建初額保

安院宋治平二年改今額元未燬洪武二十四

年立為叢林永樂十四年江潮衝圯遷至桐扣

山下

水陸寺舊在城東湯鎮宋建隆二年建元祐間賜

額紹興十二年燬乾道二年重建嘉熙三年潮

壞遷建海甯縣昌亭陸蓮花菴基寶祐二年復

移于華家池北元未燬洪武年間復建二十四

年歸併佛惠寺

東波寄清順禪師詩

草沒河堤雨暗村寺藏修竹不知門拾薪煮藥憐僧

病埽地燒茶淨客魂農事未休侵小雪佛燈初上報黃昏年來漸識間居味思與高人對論

月塘寺舊在月塘北宋淳熙五年建賜真如院額

嘉熙三年潮壞淳祐五年重建于何衢店元至

正初潮水復壞遷建高原元末燬洪武間復建

今歸併白石寺

福濟寺在廉德鄉橫塘晉天福間宋可榮捨宅建

元末兵燬洪武初復建二十四年歸併白石寺

梵天寺在芳梅村唐天祐元年吳越王建名順天

仁和縣志卷十二

十六

院宋治平二年改今額元末燬洪武十年復建

今歸併保慶院

崇善寺在城東安仁鄉西晉天福七年建名眾善

宋治平二年改今額大觀三年燬建炎間重建

元末燬洪武六年復建二十四年為叢林

佛日淨慧寺在城東北五十里黃鶴山之陰石晉

天福七年吳越王建號佛日院宋大中祥符元

年改今額寺有冷軒東坡題名

利濟院宋治平二年賜額理宗書無量壽佛之閣

元至正間燬洪武初重建二十四年立為叢林

徧福寺在城東北三十五里赤岸晉天福七年吳越王建名眾善宋治平二年改今額元末兵燬洪武復建立爲叢林

太平寺舊名千佛宋祥符元年建治平四年改太平定善院嘉泰年間復建永樂八年潮水衝決宣德間遷皋亭山陽前有畱憩亭金鷺山左有劉少宰墓右有伏虎禪師塔

興教寺在皋亭山西馬鞍山陽晉天福間錢氏建名興善宋治平二年改今額紹興間重建元末燬洪武初復建二十四年歸併香積寺山側有

仁和縣志卷十二

十七

月明和尚及柳翠修道功成各一塔

福安吉祥寺在城東皋亭山周顯德年間錢武肅王建宋紹興間建移請今額咸淳九年重建于永昌門外洪武二十四年歸併福田寺

崇光顯孝華嚴講寺在皋亭山陽宋紹興十九年建二十八年賜崇光顯孝禪寺額甯宗改禪爲教御書皋亭山三字及崇光顯孝華嚴教寺八字以賜元末燬洪武十二年重建二十四年歸併宗興寺有無盡堂在寺左萬工池在寺前東翰堂在寺傍桃花隴卽韋后墳西毘盧閣龍遊

洞俱在寺之雲梯東峻廊雲錦亭在寺之月城
卽西峻廊圓音堂卽法堂

明覺院在佛日塢晉天福三年吳越王建

興善院在眞珠塢晉天福八年吳越王建名積善

宋治平二年改是額

顯甯永報禪寺在眞珠塢少宰劉正夫功德院宋

宣和五年賜是額

端峰邵銳

咫尺皋亭路南來典故長密雲垂雨
脚斜日漏天光好景山排列清遊杖
履忙暮歸還自
喜今夕憩僧房

大德寺係東京崇夏大德院扈駕南渡紹興五年

仁和县志卷十二

十八

建請是額

妙慈寺係張循王香火院宋慶元六年請建廣福

寺額宋嘉泰間建移請是額

崇恩顯義院在皋亭山宋高宗御書古詩五首及

東坡墨竹賦

安隱講寺去城東六十里臨平山南唐清泰元年

吳越王建名安平或謂舊名永興有石塔一所

宋治平二年改今額有丹井旁有池名安平泉

極甘洌東坡有詩山有黃犢嶺因邱真人乘黃

犢採藥故名洪武二十四年立爲叢林永樂初

重建其後卽臨平山也地有曲竹人多取爲杖

故老相傳邱隱士羽化棄杖于此其竹皆曲

宋林次麟曲竹詩直節稜稜是此君耳孫卻以曲爲名首陽山下知難種只

可斜封
向管城

東坡題安隱寺聞說山根別有源撥雲尋徑興飄然鑿開海眼知何日種出菱

花不記年烹茗僧誇甌泛雪煉丹人化骨成仙當年陸羽空收拾遺卻安安一片泉

廣嚴寺在城東六十里臨平鎮舊名華嚴唐開元

中僧元覽請寺前平湖通洲爲放生池元覽姓

褚氏乃無量之弟宋治平中改今額元末燬洪

武初重建二十四年立爲叢林詳見佛殿碑記

仁和縣志卷十二

十九

無量院在赤岸村宋淳熙間請是額

妙果院在赤岸村宋淳熙間請是額

寂然庵在城北臨平山元至元間建洪武二十四

年歸併安隱寺

迎峰庵在城北臨平山元至元初建至正末燬洪

武三年重建二十四年歸併廣嚴寺

月華庵在城東六十里臨平鎮長樂鄉宋咸淳九

年俞氏捨地建精舍元末兵燬洪武初復建

顯惠庵在桐扣黃鶴山陽晉天福七年吳越王建

額顯惠禪菴元末兵燬洪武初僧永安重建

寶慶院在赤岸南宋嘉定年間建元末兵燬天順二年重建

壽甯院在城東北臨平山北塘咸通三年建名法昌宋淳化三年改今額元大德間重建至正末燬洪武初復建二十四年歸併廣嚴寺

寶林尼菴在臨平鎮梅墅宋開慶元年建施水接待菴

淨信菴在城東北桐扣山晉天福六年周璉捨宅爲寺名恩平宋治平間移請今額紹興間重建元末燬洪武間遷建於亭溪村二十四年歸併

仁和縣志卷十二

二十

廣嚴寺

月輪寺在城東北黃鶴山陽宋嘉泰四年建嘉定五年甯宗御書普照二字元末燬洪武十五年重建二十四年歸併崇聖寺

龍興寺在臨平鎮宋宣和七年因東湖水濫建菴鎮壓額名妙華併建普同塔一座紹興六年高宗南渡建都于杭以太后駕幸本寺賜額龍興元季兵燬洪武初復建二十四年歸併廣嚴寺蓮花院在臨平茅山下宋建炎間建元末燬洪武初重建二十四年歸併廣嚴寺

治平寺在永和鄉唐天成間建宋治平間改今額
元至正間重建至正末兵燬洪武二十四年歸
併香積寺

廣慈尼院在永和鄉唐中和四年建名孝慈院宋
治平間改是額

勝因顯報院在永和鄉臨平山北宋紹興二年蔡
卞請爲功德院賜是額

化成菴在城北永和鄉東元至正間建洪武二十
四年歸併顯忠寺

大圓菴在城北永和鄉宋咸淳間建元末燬

仁和縣志卷十二

二十一

洪武初建二十四年歸併顯忠寺

聚秀菴在超山之南元延祐二年建元末燬洪武
六年重建二十四年歸併顯忠寺

永慶院在永和鄉宋建隆建

明覺院在永和鄉晉天福三年吳越王建號丁山
羅漢院宋治平二年改今額元末重建洪武二
十四年歸併佛惠寺

報恩圓滿院在城北超山之陽宋紹興初胡氏捨
山園建紹興二年改今額寺有海雲龍洞名惠
濟祠禱雨多應故名惠濟菴元至正間兵燬重

建洪武二十四年歸併安隱寺

眞如福嚴寺在義溪村宋韓蘄王捨地建寺請加
今額元皇慶二年皓禪師開山洪武二十四年
歸併崇興寺

寶嚴寺在義溪村舊名寶勝院宋乾道六年郡人
全仁暉捨地建治平中改今額建炎四年金虜
犯境院燬而大士殿獨存虜眾駭異奉泥金法
幢佛牙舍利謝罪夜遁去院傍十里民得無恙
紹興間重建元至正十九年燬洪武初復建二
十四年歸併香積寺

仁和縣志卷十二

二十二

留茨菴在城西北三峰山大雲鄉元大德間建洪
武二十四年歸併崇聖寺永樂間里人夏誠勸
道鄉人重建移請長壽寺額

崇聖院在大雲鄉宋乾道間建

普安院在大雲鄉周顯德四年吳越王建名安吳
塔院宋治平二年改是額

萬安院在大雲鄉周顯德年間建

崇勝寺在大雲鄉宋淳熙間建元初燬至正十二
年重建元末兵燬洪武二十四年立爲叢林
慈蔭院在橫溪村宋紹興間建

普濟寺在大雲鄉獨山西宋治平二年建元末燬

洪武初重建二十四年歸併崇聖寺

崇覺院在城西北大溪村元至正初建十二年燬

洪武二十四年歸併崇勝寺

普甯院在城西北大雲鄉姚巷村晉天福間錢氏

建宋治平中改是額淳熙間兵燬元初重建元

末又燬洪武十五年重建二十四年歸併崇聖

寺

無垢院在城西北大雲鄉橫溪外塵村宋淳熙元

年建請賜今額元至正間燬洪武初復建二十

仁和縣志卷十二

二十二

四年歸併崇聖寺

興福菴在城西北仲溪鎮北元至正初建十六年

燬洪武元年重建二十四年歸併崇聖寺

興化菴在城西北謝溪村北宋咸淳間建元末燬

皇明洪武十九年重建二十四年歸併香積寺

大慈院在城東北臨平山小林里梁貞明二年吳

越王建名大安宋治平二年改今額元末燬洪

武初重建二十四年歸併廣嚴寺

廣安廣福院在孤林村晉天福八年吳越文穆王

建名慶安宋熙甯元年改是額

龍華廡院在孤林村宋紹興間建

觀音菴在唐棲鎮北豐年鄉宋紹興年間建洪武二十四年歸併純一菴正德元年九月郡人端峰邵銳暨沈廷器重建

慧林禪菴在城東北豐年鄉前溪村洪武二年建二十四年歸併純一菴

時思菴在城東北豐年鄉城溪村宋淳熙間建元末燬洪武六年重建二十四年歸併慧日菴

羅漢教寺在城東北六十餘里亭溪村宋政和三年僧釋道經此地聞鐘磬聲遂卓菴而居後漸

仁和縣志卷十二

二十四

增廣以成佛刹乾道四年移請今額元至正末燬洪武六年重建二十四年歸併廣嚴寺

純一院在博陸村宋嘉定間建元延祐中重建至正間兵燬洪武二十四年立爲叢林院東有泉石軒

顯忠寺在豐年鄉漳溪村宋嘉泰間建宋甯宗微行見僧持誦問曰何謂也答曰忠以事君祝壽常事偶爾稱旨遂賜今額元末燬洪武年間重建二十四年立爲叢林

吉祥寺舊在城內宋淳熙十四年因建佛宇成日

有蓮花見東柱居民異之唐中宗神龍年間建
名象光宋大中祥符間改今額元末兵燬洪武
六年復建二十四年立爲叢林永樂十三年江
潮衝毀今遷黃鶴山之陽

傳燈院在奉口山東

慧覺院在肇元鄉宋淳熙辛丑建嘉泰甲子請額
保江院在城外東北豐年鄉五杭村宋乾道間建
元至元間燬洪武二十年重建二十四年歸併

慧日寺

永清廡院在城外東北豐年鄉宋紹興間建元末

仁和縣志卷十二

二十五

燬洪武初復建二十四年歸併顯忠寺

吉祥院在城外東北豐年鄉青林村晉天福五年
建名福臻宋紹定四年請是額元末燬洪武十
五年復構二十四年歸併顯忠寺

資慶院在城東北豐年鄉五杭村東宋淳熙九年
建元末兵燬洪武初復建二十四年歸併慧日
寺

天王寺在豐年鄉博陸村紹興元年建請今額淳
祐間重建元末燬洪武十五年重建二十四年
歸併慧日寺

金佛寺在豐稔鄉宋嘉泰元年建開禧間賜今額
元至正六年燬貫雲石書淨業碑額元時銀杏
樹左右各一皆合抱有靈芝二燬洪武十四年
重建二十四年歸併崇聖寺

福全寺在豐年鄉漳溪村北元至元七年建元末
燬洪武三年重建二十四年歸併顯忠寺

地藏院宋嘉泰二年建

辯利院宋淳熙八年建名利慶菴嘉泰元年請是
額

九曲真覺院宋乾道元年建名隱靜庵慶元四年

仁和縣志卷十二

二十六

請是額

極樂院在清化路口宋嘉定二年勅淳祐五年請
是額

普明院在清化路北宋開禧元年請額

寶月庵在長樂鄉梁貞明元年建元末兵燬洪武
初建二十四年歸併廣嚴寺

天王院舊永樂甯庵宋紹興元年請是額

回向院宋紹興間建請是額

永福院嘉定中請額淳祐間重建爲嗣秀王香火

院

明因院在報恩坊巷西名雲隱庵宋嘉泰元年請是額

寶林院在舊棲隱菴西宋慶元間發地得石塔上有寶林院額淳祐九年重建因請名寶林

城外宮觀

佑聖菴在德聖橋東堍宋紹興間建以奉眞武聖像屢有靈應安鎮風水庇祐居民洪武甲子戴一菴重修景泰間羽士王正宗等志存修復至成化庚寅就緒聖閣煥然一新居民得以崇奉香火遠近永賴

仁和縣志卷十二

二十七

天妃宮在得勝壩北以奉順濟聖妃神本興化莆田林氏都巡君之季女幼悟玄理逆知休咎處室三十年默與神契沒後顯靈千江湖非只運漕賴之以濟而商旅舟楫亦保無虞嘗聞泛海者每遇颶風怒濤呼神乞靈輒有霞光顯布宋元祐間因其數靈異祀之于莆之聖堆江口白湖宣和五年賜順濟廟額紹興二十六年封靈惠夫人紹熙三年改封靈惠妃慶元四年加封順濟從此閩廣浙江淮甸凡瀕海之地往往立祠或處羽士者乃扁曰宮按此宮創于洪武王

子歲久寢敝勢不可支成化辛丑鎮守內臣張慶知爲江河所仰乃捐資重建延三茅觀陳福明住持其徒朱源明時加修葺宮宇如舊完好嘉靖十八年鄰火不戒延燎一空賴有其徒鄭景隆志存復建奮不顧身徧加募緣不辭寒暑日馳遠近勞苦萬狀幸已訖功居民瞻仰承天宮在城東北三十里赤岸宋嘉泰中建甯宗御書承天宮三字爲額

順濟宮在城外東里隅舊在湯鎮赭山之間曰三龍王廟紹熙元年移請雲濤觀額四年旱禱得

仁和縣志卷十二

二十八

雨改賜今額嘉泰二年九月錫三神侯爵曰廣澤順澤敷澤嘉定九年增封曰廣澤靈應順澤昭應敷澤嘉應永樂間江坍徙建今處天順七年拓地重葺成化七年江水湧漲崩齧塘岸三司大臣祭以牲幣神著靈赫潮不震怒居民獲甯載新宮宇

景星觀在臨平鎮宋紹興十年建舊爲東嶽行祠
淳熙二年移改是額今重建